



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry for Education**

Broj: 11-05/02-04-35000-33/22  
Sarajevo, 12.04.2023. godine

Na osnovu člana 7., 8. i 9. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, br. 23/03, 34/03 i 65/13), člana 36. Okvirnog zakona o predškolskom odgoju i obrazovanju u Bosni i Hercegovini („Službeni glasnik BiH“, broj: 88/07), čl. 46. i 50. Zakona o predškolskom odgoju i obrazovanju u Kantonu Sarajevo („Službene novine Kantona Sarajevo“, br. 26/08, 21/09, 33/21 i 31/22), člana 7. Pravilnika o izboru i imenovanju upravnih i nadzornih odbora predškolskih ustanova Kantona Sarajevo („Službene novine Kantona Sarajevo“, broj: 3/11) i tačke V Odluke o standardima i kriterijima za nominovanje/imenovanje na poziciju predsjednika i članova Upravnog i Nadzornog odbora Javne ustanove „Djeca Sarajeva“ Sarajevo, čija konačna imenovanja vrši Vlada Kantona Sarajevo („Službene novine Kantona Sarajevo“, br. 3/11 i 14/23), raspisuje se

#### JAVNI POZIV

**za izbor i imenovanje na upražnjene pozicije predsjednika i članova Upravnog i Nadzornog odbora u Javnoj ustanovi „Djeca Sarajeva“ Sarajevo, čija konačna imenovanja vrši Vlada Kantona Sarajevo**

#### I

U **Upravni odbor Javne ustanove „Djeca Sarajeva“ Sarajevo** (u daljem tekstu: Ustanova), bira se:

1. Predstavnik roditelja/staratelja, ..... 1 član.

U **Nadzorni odbor Ustanove**, bira se:

1. Predstavnik Ministarstva za odgoj i obrazovanje Kantona Sarajevo (u daljem tekstu: Ministarstvo) – predsjednik ..... 1 član,
2. Predstavnik Općine Centar, ..... 1 član.

#### II

**Upravni odbor Ustanove, pored poslova utvrđenih zakonom, obavlja i sljedeće poslove:**

donosi pravila ustanove, imenuje i razrješava direktora, donosi planove rada i razvoja, donosi godišnji program rada, donosi finansijski plan i usvaja godišnji obračun, donosi opći akt o unutrašnjoj organizaciji i sistematizaciji poslova i druge opće akte, u skladu sa zakonom i pravilima ustanove, odlučuje o svim pitanjima obavljanja djelatnosti radi kojih je ustanova osnovana, usmjerava, kontrolira i ocjenjuje rad direktora, rješava sva pitanja odnosa sa osnivačem, odlučuje o korištenju sredstava preko iznosa utvrđenog pravilima ustanove, odgovara osnivaču za rezultate rada ustanove, donosi odluku o raspisivanju konkursa za izbor zaposlenika, odlučuje o žalbama po konkursu, odlučuje o prigovoru zaposlenika na rješenje o pravu, obavezi i odgovornosti zaposlenika iz radnog odnosa, podnosi osnivaču najmanje jedanput godišnje izvještaj o poslovanju ustanove, razmatra plan upisa djece, razmatra rezultate predškolskog odgoja i obrazovanja, odlučuje o prigovoru roditelja na rad i odnos zaposlenika prema djeci, obavlja druge poslove u skladu sa zakonom i pravilima predškolske ustanove.

**Nadzorni odbor Ustanove, pored poslova utvrđenih zakonom, obavlja i sljedeće poslove:** vrši kontrolu finansijsko - materijalnog poslovanja ustanove, analizira izvještaje o poslovanju ustanove, obavlja nadzor nad upotrebom sredstava za rad, pregleda godišnji izvještaj o poslovanju i godišnji obračun, pregleda i provjerava urednost i zakonitost vođenja poslovnih knjiga, izvještava osnivača/Ministarstvo za odgoj i obrazovanje Kantona Sarajevo, upravni odbor i direktora o rezultatima nadzora.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)

### III

**(1) Za predsjednika i člana Upravnog odbora/Nadzornog odbora u Ustanovi može biti nominovan/imenovan kandidat koji ispunjava sljedeće opće uvjete:**

- a) da je stariji od 18 godina;
- b) da je državljanin Bosne i Hercegovine;
- c) da nije otpuštan iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine od dana objavljivanja upražnjene pozicije,
- d) da se na tog kandidata ne odnosi član IX 1. Ustava Bosne i Hercegovine,
- e) da nije osuđivan za krivično djelo i za privredni prestup nespojiv sa dužnošću u Upravnom odboru i Nadzornom odboru Ustanove,
- f) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine „Službeni glasnik BiH“, br. 16/02, 14/03, 12/04, 63/08 i 18/12).

**(2) Pored navedenih općih uvjeta, kandidat koji se nominuje/imenuje za poziciju predsjednika i člana Upravnog odbora/Nadzornog odbora Ustanove treba da ispunjava i sljedeće posebne uslove:**

- a) da posjeduje univerzitetsku diplomu,
- b) najmanje 5 (pet) godina radnog staža u struci,
- c) da nema privatni finansijski interes u Ustanovi u čiji se Upravni ili Nadzorni odbor imenuje,
- d) da nije direktor odnosno pomoćnik direktora predškolske ustanove,
- e) da ima status roditelja/staratelja djece korisnika usluga Ustanove (za člana - predstavnike te strukture),
- f) da nije u bilo kakvoj rodbinskoj vezi do drugog stepena sa bilo kojim zaposlenim u Ustanovi,
- g) da nije lice koje ima smetnje za imenovanje u skladu sa Zakonom o prevenciji i suzbijanju korupcije u Kantonu Sarajevo („Službene novine Kantona Sarajevo“, br. 35/22, 44/22-Ispravka i 52/22-Ispravka) i to:
  - da nije poslanik/zastupnik u Skupštini Kantona Sarajevo, vijećnik u Gradskom vijeću Grada Sarajeva i vijećnik u općinskom vijeću općine na teritoriji Kantona Sarajevo,
  - da nije direktor, izvršni direktor, pomoćnik direktora, agencije, fonda, javnog preduzeća i javne ustanove i institucije koji se imenuje ili postavlja na mandatni period i zamjenik direktora agencije, fonda, zavoda, javnog preduzeća, javne ustanove i druge institucije čiji je osnivač Kanton Sarajevo, Grad Sarajevo ili općina na teritoriji Kantona Sarajevo ili u kojima Kanton Sarajevo, Grad Sarajevo ili općina na teritoriji Kantona Sarajevo učestvuju sa više od 50% ukupnog kapitala,
  - da nije lice koje je izabrano ili imenovano ili je za njegov izbor ili imenovanje data saglasnost od strane Skupštine, Gradskog vijeća Grada Sarajeva, općinskog vijeća, Vlade, Gradonačelnika ili načelnika, izuzev državnog službenika i namještenik,
  - da nije vršilac dužnosti prethodno pobrojanih javnih funkcija i savjetnik prethodno pobrojanih nosioca javnih funkcija u Kantonu Sarajevo koji se imenuju po lex specialis propisima,
  - da ne obavlja niti jednu javnu funkciju kako je dato u tački III podtačka e) i f).

Ispunjenost uvjeta iz stava (1) alineje c) do e) i stava (2) alineje c) do f) dokazuje se izjavom koja je u prilogu teksta konkursa.

### IV

Predsjednika i članove Upravnog i Nadzornog odbora Ustanove imenuje Vlada Kantona Sarajevo i to na način da se:

- prijave kandidata za predstavnika roditelja/staratelja prosljeđuju Vijeću roditelja Ustanove,
- prijave kandidata za predstavnika Općine Centar prosljeđuju načelniku Općine Centar,
- prijave kandidata za predsjednika u Nadzornom odboru prosljeđuju se Ministarstvu.

Sve informacije o toku postupka kandidovanja su transparentne, osim ako informacije o podnosiocima prijava nisu povjerljive u smislu Zakona o zaštiti ličnih podataka („Službeni glasnik BiH“, br. 49/06, 76/11 i 89/11).

U postupku izbora, navedene strukture primjenjuju Odluku o standardima i kriterijima za nominovanje/imenovanje na poziciju predsjednika i članova Upravnog i Nadzornog odbora Javne ustanove „Djeca Sarajeva“ Sarajevo („Službene novine Kantona Sarajevo“, br. 3/11 i 14/23), koju je donijela Vlada Kantona Sarajevo.

Navedene strukture obavljaju intervju sa svim kandidatima koji ispunjavaju uslove iz Javnog poziva.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)

Kandidati koje nakon intervjua predlože strukture, koje kandiduju članove Upravnog i Nadzornog odbora, smatrat će se da su najuspješnije prošli otvorenu konkurenciju, a Vlada Kantona Sarajevo osigurat će da se izvrše i javno objave konačna imenovanja na pozicije u Upravnom i Nadzornom odboru.

Bilo koji kandidat ili bilo koja druga osoba, može podnijeti prigovor na konačno imenovanje, ako postoje dokazi da u procesu imenovanja nisu ispoštovani principi ili postupci utvrđeni Zakonom. Prigovor se podnosi istovremeno Vladi Kantona Sarajevo i Ombudsmenu Bosne i Hercegovine.

## V

**Prijavljivanje se vrši putem prijavnog obrasca koji se može preuzeti u šalter-sali Kantona Sarajevo (ul. Reisa Džemaludina Čauševića br. 1 Sarajevo) ili na web stranici Ministarstva za odgoj i obrazovanje Kantona Sarajevo <http://www.mo.ks.gov.ba>.**

Uz **prijavni obrazac**, kandidat treba priložiti:

1. biografiju,
2. univerzitetsku diplomu (nostrifikovanu/priznatu diplomu, ukoliko fakultet nije završen u BiH ili je diploma stečena u nekoj drugoj državi nakon 06.04.1992. godine);
3. uvjerenje o državljanstvu (ne starije od 6 mjeseci);
4. potvrdu/uvjerenje o radnom stažu u struci (potpisanu i ovjerenu od strane poslodavca);
5. potpisanu Izjavu o ispunjavanju uvjeta (dokaz tačke III), ovjerenu od strane nadležne općinske službe (dostupna na web stranici Ministarstva);
6. Obrazac za pitanja o eventualnom postojanju sukoba interesa (dostupan na web stranici Ministarstva);
7. Kandidat za predstavnika roditelja dužan je dostaviti potvrdu ili uvjerenje kojom dokazuje status roditelja/staratelja djece korisnika usluga Javne ustanove „Djeca Sarajevo“, u čiji se Upravni odbor kandidira.

Sve dokumente potrebno je priložiti u originalu ili fotokopiji ovjerenoj kod nadležne općinske službe.

Prijavu sa dokumentacijom kandidat dostavlja lično ili poštom preporučeno, na slijedeću adresu: Ministarstvo za odgoj i obrazovanje Kantona Sarajevo, ul. Reisa Džemaludina Čauševića br. 1 sa naznakom:

*„Javni poziv za izbor i imenovanje na upražnjene pozicije predsjednika i članova Upravnog i Nadzornog odbora u Javnoj ustanovi „Djeca Sarajevo“ Sarajevo, čija konačna imenovanja vrši Vlada Kantona Sarajevo - ne otvarati, otvara Komisija“*

Dokumentacija dostavljena na Javni poziv se ne vraća.

Komisija zadržava pravo da ostale dokaze u vezi sa datom Izjavom zatraži naknadno i ukoliko aplikant u roku od najkasnije 15 dana od dana traženja dokaza iste ne dostavi, smatrat će se da je odustao od učešća u daljoj proceduri.

Mandat članova Upravnog i Nadzornog odbora imenovanih po ovom javnom pozivu će trajati do isteka četverogodišnjeg mandata predsjednika i članova Upravnog i Nadzornog odbora Javne ustanove „Djeca Sarajevo“ Sarajevo, imenovanih od strane Vlade Kantona Sarajevo, po osnovnom javnom pozivu, Rješenjem broj: 02-04-28696-17.2/21 od 22.07.2021. godine i Rješenjem broj: 02-04-28696-18.2/21 od 22.07.2021. godine.

Članovi Upravnog/Nadzornog odbora će svoje dužnosti obavljati na dobrovoljnoj osnovi i bez bilo kojeg vida nadoknade.

**Javni poziv će biti objavljen u dnevnom listu „Oslobođenje“ i u „Službenim novinama Federacije Bosne i Hercegovine“. Javni poziv ostaje otvoren petnaest (15) dana od dana posljednjeg javnog objavljivanja.**

*Nepotpune i neblagovremene prijave neće biti razmatrane.*

**Napomena: Tekst Javnog poziva, prijavni obrazac, obrazac izjave i obrazac za pistanja o eventualnom sukobu interesa dostupni su i na web stranici Ministarstva za odgoj i obrazovanje Kantona Sarajevo ([www.mo.ks.gov.ba](http://www.mo.ks.gov.ba)) i na web stranici Javne ustanove „Djeca Sarajevo“ Sarajevo.**

MINISTRICA

*Naida Hota-Muminović, s.r.*



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)